



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏՐԱՆՍՊՈՐՏԻ ԵՎ ԿԱՊԻ ՆԱԽԱՐԱՐՈՒԹՅՈՒՆ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏՐԱՆՍՊՈՐՏԱՅԻՆ ՏԵՍՉՈՒԹՅՈՒՆ

ՈՐՈՇՈՒՄ 024600-2

ՎԱՐՉԱԿԱՆ ՊԱՏԱՍԽԱՆԱՏՎՈՒԹՅԱՆ ԵՆԹԱՐԿԵԼՈՒ ՄԱՍԻՆ

«11» դեկտեմբեր 2015 թ.

ք. Երևան

Քննելով ՀՀ տրանսպորտային տեսչության աշխատակիցների կողմից կազմված վերահսկողության արդյունքների ամփոփման «18»-ը օգոստոսի 2015թ-ի թիվ 024600 արձանագրությունը և գործին առնչվող այլ նյութերը.

ՊԱՐԶԵՑԻ

ՀՀ տրանսպորտային տեսչության վերահսկողության արդյունքների ամփոփման «18»-ը օգոստոսի 2015թ-ի թիվ 024600 արձանագրությամբ արձանագրվել է, որ **«Փինկ» ՍՊԸ-ին պատկանող «Շկողա» մակնիշի 6940V61 հաշվառման համարանիշի տրանսպորտային միջոցով, վարորդ՝ Ալեքսանդր Գրիգորյանը, 18.08.2015թ-ին, ժամը 11-11-ին Արարատի մարզի Մ-2 Հ-8 խաչմերուկի հարակից տարածքում իրականացրել է տրանսպորտային փոխադրում՝ առանց փոխադրումների կազմակերպման լիցենզիայի:**

Փաստի առթիվ հարուցվել է վարչական վարույթ, որի քննությունը նշանակվել էր «04»-ը սեպտեմբերի 2015 թ-ին: Վարույթի անցկացման օրը կայացվել է թիվ 024600 որոշումը «Փինկ» ՍՊԸ-ին վարչական պատասխանատվության ենթարկելու մասին:

«Փինկ» ՍՊԸ-ի տնօրենը դիմում է ներկայացրել ՀՀ տրանսպորտի և կապի նախարարության ՀՀ տրանսպորտային տեսչության պետին՝ տրանսպորտային միջոցը 01.06.2015 թվականին կնքված վարձակալության պայմանագրով Ալեքսանդր Գրիգորյանին տրամադրելու վերաբերյալ և խնդրել է վերանայել ՀՀ տրանսպորտային տեսչության 04.09.2015 թ-ի թիվ 024600 որոշումը:

Հիմք ընդունելով ՀՀ «Փինկ» ՍՊԸ ընկերության և Ալեքսանդր Գրիգորյանի միջև 01.06.2015 թվականին կնքված **«Շկողա» մակնիշի 6940V61 հաշվառման համարանիշի տրանսպորտային միջոցի** վարձակալության պայմանագրի 2.5.4 կետը և ղեկավարվելով ՀՀ վարչական իրավախախտումների վերաբերյալ 137/2-րդ հոդվածի 7-րդ պարբերությամբ՝

ՈՐՈՇԵՑԻ

1. Ուժը կորցրած ճանաչել ՀՀ տրանսպորտային տեսչության 04.09.2015 թվականի թիվ 024600 որոշումը:

2. Ալեքսանդր Գրիգորյանին ենթարկել վարչական պատասխանատվության և նշանակել վարչական տույժ՝ 50 000 /հիսուն հազար/ ՀՀ դրամի չափով

3. Սույն որոշման մասին տեղեկացնել տրանսպորտային միջոցի սեփականատեր «Փինկ» ՍՊԸ-ին:

4. Սույն որոշման մասին տեղեկացնել տրանսպորտային միջոցի վարորդ՝ շահագործող Ալեքսանդր Գրիգորյանին:

Ծանոթություն.

Սույն որոշումը կարող է բողոքարկվել այն ստանալուց տասն օրվա ընթացքում:

Տուգանքը պետք է վճարվի սույն որոշումը ստանալու օրվանից ոչ ուշ, քան տասնհինգ օրվա ընթացքում, իսկ տվյալ որոշումը գանգատարկելու կամ բողոքարկելու դեպքում՝ գանգատը կամ բողոքն առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում:

Գումարն անհրաժեշտ է վճարել ՀՀ պետական բյուջե՝ Հայաստանի Հանրապետության ֆինանսների նախարարության կենտրոնական գանձապետարանի 900005240420 հաշվեհամարին:

Կ. Տ.



Ա. ՄԻՐԻՋԱՆՅԱՆ